

16/2/85

BUSINA VILLA DEL FORO

1985

Bona siro a voi doni
beli cme baboni

P sét disi : beli cme baboni?
ma no! beli cme madoni!

Ah sè, cmensoma turna;

freschi cme ra rusà
se chi sij, scapaij da cà?

Bona siro anca 'i' omi
ch'ian purtà drera er so doni
sté tranquil, andé pira
a v'ia purtoma a ca noi stasiro!

Soma que n'tra societò
per fé an po' d'nuvità
propri cmé i' ani pasà
speranda d'fé du orià.

Pensé che per tirev fora d'ant'er cà
anca na cumedia a'ioma pruntà,
aioma laurà cme di danà
speroma almenu d'veivi neint stufà.

E se anveci iv sij andrumentà
sirchè d'svigevi con ra businà
perchè d'nutisij vi n'é propri nà svarslà,
beli, briti, d'tit er qualità,
ma am racumand pievro neinta per carità
se nò l'é pes, n'autr'ani av doma n'autra tarinà!

Cmensoma dar nutisij pi vegi, culi dl'ani pasà;
 atur a ra gesia ui' era na gran atività
 a rangè San Bastian us'era cmensà.
 San Bastian- forsi per i giuvu l'é n'po na nuvità
 però dioma neint i vech, ma cui d'na certa età
 is visu cul siri chij pasavu, sa pi d'veint ani fà.

Po u'ié stach cul che tich a soma sà:
 San Bastian l'era stach propri abandonà;
 ma dop a tanch ani cucadein ui'ò turna pensà
 e propri a na bela mira us'era sà purtà.

.... Uh! quanta fadeia ca l'é custà!!!
 cul doni che j'arneis an man javu mai pià
 jèisi vist quant careti d'gera iàn anversà!!
 fina er previ l'ò dach cuca badilà!

P Di, ma qual previ t'disi?

Qual previ!! ah sè, t'ai rason!
 ant'in ani u'ié stach talmeint in turbijon
 che se t'stai neint ateint t'poi fé confusion!
 Ah! um'é amni an meint, l'è stach cul platon!

Propri Don Claudio, con ra sò favela e er sò rason
 l'ava svigià ant'er pais in po' d'pasion
 specialmeint er doni i runsavu atur au so viston
 e a forza d'cumbiné der gran riunion,
 da mes a na risia e l'otra e a der gran discussion,
 us'era fach anca sè cui cosa d'bon.

Basta vardè San Roc, me cara geint,
 l'era bela'ndach; ad' fora e an'dreint,
 ma a forsa d'rigon, causeina e cimeint
 l'é turna dventà in bel monumeint.
 E ra canonica, seimper ant'er medesim mumeint
 us'era cmensà a parlè d'fei cuc rifacimeint.

Ansuma, dra carn ar fò ui n'era a voluntà
fin tant che l'istà l'era neint ancur rivà
quandi Don Claudio um'a abandonà ;

'm'bsò propri ca digu ra verità ,
a soma armès tich an po' disorientà
a sté seinsa previ a ieru propri neint abituà.

Ma dop on po' d'teimp n'auter previ im'an arfilà
e d'riunion, discussion - us'é pi parlà
però cuc lavù listesa l'é cuntinuà
almenu per cul cus posa vighi da'nsra strà ,

P Perchè dan'sra strà?

Per forza tich j'is i son stach sarà;
in pruget uj'era ma l'è stach smeintà .

P Eh, an fein di cheint se't'voi cu seia custà!

Ah, me so niente, me aiò neint rancà
però, pensandij bein, anca'n'cesu ian arcavà .

P A se!!!, ma' s'cesu al sa funsionà?

Me so neint, andreinta io' neint ancur cagà!

P Me manc, manc a pisè im 'an neint lasà !

Cramentu!! per risparmiè, ra geint an gir jan mandè
a ciàmè limòsna da què e da là....
fonda er mur bòn, pianeli e lavandein a javu trovà
e ades con ra ciav il tenu sarà,

E po Eh!! Eh!! l'é bela srà;
pensé che'r robi an grand javu cumbinà....

P A se!! T'disi dabon.?! ..

Se! ant'ra canva, na bela vasca con doi mèter d'èua ian arcavà!

P Oh! ma chi cu tra diche sa novità ?

Eh! T'sai, i "PETTEGOLEZZI", come cui ciàma cul là,
 perchè d'dil an gesia chili us'è neint ancalà;
 a'io paura cu seia a dispòsision an machi der 'jiaturità!

P Ma nò! us crederrà chili 'n'auturità!

T'avrai ben rason, con cul fucò da gagà!

P Ma nò! ades i previ is tapu tich acsé - an sità!!

Se t'disi, pos neint credij, cu seia vei dabon,
 pensandij, chil um ciama propi cui der borgo, uh! che rason!
 al soma d'esi di paisan, ma meia di ciulon!

E po an fein di cheint, anca chil l'è n suradiu di pi bon!

P No perchè s'l'auriva omni a ra Vila a fera da padron
 amis che prima, er pudiva stesni a Pavon!

A pensei bein, atùr a ra gesia ui'é cul'otra quistion.

L'ani pasà ui'é stach ra cresima, fé tension!
 da quasi des ani as fava neint 'ant'ist pais
 acsé tich is pruntavu, anvidavu j'amis,

crumpavu vesti novi, i rangiavu er so masnà,
 ma poi, specia - specia, er vescu l'é neint rivà:
 dacòrdi, ui'era in munsignur, grand me na cà,
 ma che delusiòn, per ra nostra cita comunità.

Dop a l'amsòn, Santa Vareina ui'é rivà
 e anca lé, sté seinti, in outra nuvità!
 per ra prucisiòn, tit javu pruntà,
 fiù, limein, er carèt bela bardà.

Ma per tanta geint cul carèt l'era 'ndesiderà
 e cse', come na vòta, vegh e giuvu Vareina a spali jan purtà;
 tit er pais per na stmana u n'a parlà,
 speroma che st'ani ui seia an po' pi d'tranquillità
 anca se con l'an nov d'iauch frugh jan tirà
 e purtrop, propri an s'er mur ar masnà!

P: Dop a tant nutisi j gramì, cui cosa d'bel vi'ié capità:
 a Febrai dl'ani pasà; vi'è nasì du bel masnà,
 doi fanciutèin chi fan propi unùr ara nostra comunità;
 verameint ien u stà an sità.

Però a ra Vila l'è stach badsà
 uh! cul dè che rasa d'in ciadé ch'jan piantà!

San Bastian l'era peina stach rangià
 e propi per l'ucasion i Vilot i l'an sverginà
 vi'era da mangè e da beivi a voluntà
 tit is ben di Dio a disposision dra comunità!

Amis, amisòn, tich jeru anvidà
 e quanta geint vi'era con jogh beia sgranà,
 manc s'er fisa l'anvùd d'na celebrità,
 ad ogni modo per ich doi fanciot sunadur fé na sunà!

Da sà ca parloma d'masnà
 anca 'i matrimoni cuma na wardà
 a poduma neinta perdi da meint
 cui doi celebrà quasi a teimp.

Doi bei matrimoni, ien specialmeint
 smijava cu sa spuseisa ra fia d'in president
 tant ra gesia l'era peina d'fiù e d'urnameint
 ma dòma là! L'amur er warda meia esteriurmeint!

P: E d'cul avucat d'Tiren av'na visev 'ancùra?
 St'istà a Genua l'è spusà na siùra,
 l'era sà cuc ani ch'iandavu atur
 da Tiren a Genua, i trenu jeru tich per lur.

Da cula sira ar mar quand cu jera l'aluvion
 ten-ten, neint da fè, u'jé scupià er bugnon,
 a ra Vila l'oma pi vist a giughé ar balon
 manc tennis, propi chili, cus crediva d'esi bon.

L'era bon anca da riboti ansèma cui quater brentadur
.... ma neinta tira pi tant che l'amur
e'nlura perchè tant masnà i posu caté
quand chi dromu andei neint a bustichè.
(oppure sunadur suné suné)

P E te t'aurivi cl'annisa ancora a giughè ar balon!
specia, specia, stà seinti sta quistion!

ER CAMP DA BALON

R'è propi na storia vegia da quintè
 ai soma seimper andreinta e r'à pudoma neinta sputiè
 r'è cmensaia veint ani fà quandi che per giughè
 Dusèna, per na lira^{t'ani} er camp um'à lasà fé
 e cse a ra festa dra Vila, seinsa risiè,
 ra prima parteia ar balon ajoma pudi fé.

Dop a cuc àni, ciamanda aijt ar pais,
 fanda s' di sod, a'jeru tich am's,
 lauranda tich ansema a sbadilè dra gera,
 'ioma fach i camp da tennis bitandi j'nsima anca ra tera.

Per cuc ani us'è giughè an alegrèia,
 andavu tich dacordi cr'era na meraveia,
 pò, cambiando i sunadur ui é cambià anca ra sinfuneia,
 ré dira rasunè con der testi d'goseia !

P No specia in mumeint, l'è 'ncura in complimeint !

Per rompi er bali tici i rampein i trovavu ;
 i pein, dar gran calùr, a mumeint i scavu ;
 l'erba trop àuta ma us pud'va neinta tuchèra,
 anveci d'spianè j''anversavu di camiu d'tèra .

Pàsa n'po d'témp, per Santa Vareina
 nautra novità, ui sponta ra paleina.
 Ar matarsdì, ui'era in mich d'masnà
 che per giughè tich ansema s'eru pruntà .

I rivu ans'er camp, iarmonu ancantà ;
 da scundòn, in mich d'paleini javu piantà ;
 "proprietà privata" ui'era scrich ansìma
 per sbarimè ich fanciot, pes che prima !

Pensè che ara Vila cucadein cui ten man l'ò trovà
 seimper pront a bragalè ant'er pais e an sità,
 pensè che da giuvu anca chili l'ò giugà
 ra parteia da balon anti spusà
 ma ades ui'è bastà tirafrugh èsi numinà
 che uèra a tich i fanciot dra Vila l'ò dichiarà,
^{IN BELTRIO A' CONSIGLIÈ U SE' FURHA'}
 e csè ^{PROPIA CON CUI CHE A FEI L'IMMAN VAN AHARA'}
~~u'è d'ora da sa geint seinda consiglia,~~
 an quendes di l'auriva che'r camp da balon er fisa sbruià
 ui serviva meia da fé curi j'asu ansema 'i covà?

P ma sè, t'ai propi 'ndovinà!

ma dato che a ra Vila ai stoma neint
 a fes muntè ons'er col dai preputeint
 perchè er camp da balon a l'òma neint rubà
 tich ansema ai las'roma neint piantè l'arà,
 a cuntinuerroma a giughè cme j'ani pasà
 tranda l'och ogni tant ant'ra curt dad'là!

P ant'ra curt dad'là! e perchè?

Eh! l'è sa n'po cu j'è na dona, na pisaña,
 che d'istà ra gira tit u di bela pataña
 sa jeisu da di er robicme chi sòn
 ra stareisa mei con ados in bel viston,
 però bso anca di unestameint
 cra purtà a ra Vila an po' d'rinovameint!

An s'er camp a cuntinuerroma a giughè
 perchè er balon, a l'è bon a tirè
 anca na tera d'mati giuvni da mariè;
 uin'é d'tit er qualità, da tich is fan nutè!

Cucadèna an capleina ra vò marcè
 e i fanciot dra Vila ra vo manc wardè
 n'otra squadra ant er Bar
 ra fa pi burdel che na meina ant'er mar.

Du sureli i ra fan da capurion
 son sgresicme du tori d'muron;
 ste' ateint, perchè s'iv dan in fulon
 tniv fort, senò iv tran là me'n strason!

Propi tant is mateti is fan uardè,
 ich fanciot giuvui voru fé 'nnamurè
 ma lur jan er muturen da fé giré;
 dev da fé, can da paiè!
 Wardé che ìsi na preia 'nuisa
 i ra scambeiu neinta per sausa!

P Di n'po', ma ffn'ades, t'ai parlà 'nmachi
 d'geint grama e d'quistion da sputiè
 u sarà meia in pais d'sbandarà ?

Ma set'disi, di meia d'iniquità,
 ra Vila t'vigrai ra venrà famusa pi tant che na sità!

P Oh! da bon ?!

ma sè, stam da seinti bein !

Ra cuperativa ré na gran bela realtà,
 i sociu i son rivà an gran quantità,
 e cui dra Vila i son fina armas an pò strà
 ant'er gros acsé, der quistion, fighirti, ui na sarà
 ma er president con ra so favela e ra so voluntà
 tit er robi, d'rangè l'à seimper cercà.

An po pi ansì ui'é cui chi squatu l'antichità
 i disu che sà pi d'du mila ani fà
 a ra Vila ui fisa na gran sità
 l'é n bel afari savei cui cose di noster antenà!

Però, unestameint, sa dev di ra verità,
 bso cav diga ca son an po preocupà;
 sa geint i son talmeint anfularmà
 che da 'ncò a'dman, son bon d'sbat#mi tich veia da cà!

P No! speruma cad na !
 Hi, ma d'politica, parlamiu neinta ?

ER QUISTION DER QUARTIE'

Rasunanda ancora n'pò ans'l'ani bisèst
 a puduma neinta smentiè er quartiè e i so rèst ;
 tensiòn, l'é neinta che'r quartiè i rèst ui fàsa,
 ma l'é seimp an dreinta, manc iena ui na pàsa !

Uarda peresempi l'ambulatori e ra quistion di dutùr ;
 a forza d'dei, per varì i noster dulùr,
 in'ambulatori ant'ra Vila us'era rangià
 propi dadnàa ra gesia, ans'lis, na cumudità!

Ma pensandij bein, l'é difìcil rangè er robi coi sitadein,
 d'sod per er fich vari, neinta a nein!
 Acsé'er presideint per lasè l'ambulatori a tich
 u sò getòn l'à drubà per paghè er fich !
 E csé,forza d'bali, se l'ambulatori auròma neint saré
 bsò cas rangiu, perchè er fich l'é da paghè !

Speroma ant'l'ani nov, cu seia in bel ani dabòn,
 per quartiè e cumein, ui'é turna er i'elezion
 tnì da meint che dra geint, per ra carèia,
 anca l'anma,erà po,ra da vèia!

Iv visev l'àutra vota, quant bataij e balèiri
 per serchè an po' d'vut, quant curi e aruitèiri!
 Tre listi surtij ant' in pais d'quater gèt
 fundà in partì nov,i smiavu tich mat;

e adès cmeinsu tùrna, listi que, listi là,
 ra geint cme pedèini, i vut amnistà!
 Ma uardòmsi ant'er mur, soma quater ciflòn
 fòma nein lucheiri, bitòma cunisiòn!

E sra fisa anmà ista! Der quistion ampestaij
 ui n'è in migh e mes, cme an sra taura er feruaij !
 Cme cùla di fos ch'i son sà da rangiè
 anveci d'arei, per na feta gratè!

Cme cula der curieri chi fan turna d'i uràri
 che per scora e lavù, i van bein uàri uàri;
 bastava neinta er quartié a risiè cor cumein?
 Ui sort anca del letri firmaj, in casein!

E se a Santa Vareina ui amnisa ra banda?
 Ciamoma er quartiè, ma domsi an po' in andi!
 E a carvè ca fàsu er car? an sità us po' sfilè!
 U'ie' seimper er quartiè, tirà an mes cme 'n campè!

E alura cula dona, cur da que, cur da là,
 l'architet anca chili, auter che novità!
 E ra geint, ra ringrasia? Eh! se ch'iv scredi, ciulon!
 I son bon a sparlè, rompi semper i cuijon!

Neinta tich, a l'é veira, ma per fevni rasòn
 a pudoma quintevi na listoria d'amsòn.
 An po' d'teimp fà da Vareina, che an Svisra ré stràio
 in bel gir javu fach, finì d'ambalè ra pàja.

Er quartiè tùrna anmès, beta apòst^{ra}curièra,
 trova d'andè drumì, d'paghè poc ra manèra.
 Rivà cò tich conteint, sudisfac per ra gira!
 Er quartiè? L'a fach neint, ui è cuc'auter cu tiro!

L'ani dop n'otra gira, sercu turna er quartiè.
 Vori 'ndè? Bona sira, basta desi da fè.
 Cula festa, outra geint, per stè ansema da amìs
 an muntagna a mangè i van, drich me di fìs.

Dop an pò ant er pais sta vos rè giràia:
 l'usteria an muntagna er quartiè u rà pagàia!
 I son robì da màt, da pudeisi neint spisë
 d'aurei mà a ra geint, cme der bestij tratè.

P Ma ades, uarda, domij 'n tai, l'è carvè!

Se ma prima d'finì ra businà
 doma n'ugiada an po' pi an là
 per vighi cul cui capita lontan dar noster cà
 lasòma perdi er tòsi, er uèri e i'atentà
 pitòst parloma d'pulitica che der robi ui n'è capità
 e po l'é carvè e voi i vori fé du arià !

An America Regan ian turna confermà
 an Russia n'outer muribònd presideint ian numinà !
 Er fiaili ancora? mah! e chi cul sà;
 an Italia Pertini l'è l'unic cu s'è solvè .

Da dricia e sinistra d'granni ij n'an tirò
 i so minìster iaurivu 'nbarcheli per veia d'l'età
 ma sl'é l'unic che a l'estero er po fem publicità!!
 per veia d'cula virtù cas ciama onestà!!

Però ré tita geint dra quarta età
 er prim urigi ian cambiaij quasi seint'ani fà
 speròma che i giuvu cui còs iabu amparà
 e per piè i so pòst is seiu pruntà !

P Mah!! aiò paura, a so neinta !

Ma ades l'è carvè
er granni is lasu stè
si vorì us po criè
Ra vaca ra da fè!

P: No, er vochi la si j stè,
ui n'è manc pi ieina que!
E anlura se cuij ^{l'}é?
Er vein ^{a l'}da trè?

P No r'è neint ra leina bonna
u i'è carvè cu troña
u i'è carvè ch'er briso
er chi..... e ra camisa!
Giuvu e ramadàn
is seintu smancè er mèn.
U' i'è carvè ch'er pùsa
ra dona bionda e ra rùsa,
ra fia da mariè,
ra spusa, ^{a d'è} da fè!

Carvè l'è in gran vacòn
er fà burì i muròn,
si ~~seica~~ ^{gira} anca i cujòn,
i marciu anca i sucron!

Carvè l'è propi in fò
ui smangia fina ai bo',
carvè l'è na gran streja,
us canta e po us creja,
us sauta e po us cùr,
us tira a fé l'amùr!

P: Carvè, che gran carvè
pudei que ansèma stè,
pase' na bela sira
seinse ra testa cra gira!

Però ades l'è ura d'finìra
bitev er paltò, e 'ndé pìra,
i'avoma fach divertì tita sira
seinsa ^{per} ranchè na lira!

Er robi aiòma dici fora dai deinch,
speroma che nein us seia ufeis
fin da adès av doma in apuntameint,
sa scampoma an sanità
nauter ani saròma turna que con ra businà
e con cuc'otra surprèisa per fè du arìa.